

CONCELLOS

CHANTADA

Anuncio

BASES REGULADORAS E CONVOCATORIA DE AXUDAS Á NATALIDADE 2026 DO CONCELLO DE CHANTADA

1.- OBXECTO

As presentes bases teñen por obxecto o establecemento do procedemento para a concesión de axudas a natalidade do Concello de Chantada, xa que coa finalidade de fixar poboación resulta necesario deseñar mecanismos que favorezan o nacemento e a crianza de nenos e nenas.

No exercicio 2026 as axudas configúranse como segue:

LIÑA 1: Axudas de primeiro ano de nacemento ou adopción

LIÑA 2: Axudas de segundo ano de nacemento ou adopción

2.- REQUISITOS DOS BENEFICIARIOS

LIÑA 1: AXUDAS AO PRIMEIRO ANO DO NACEMENTO OU ADOPCIÓN

Serán beneficiarios/as destas axudas os pais e nais que están empadroados/as no Concello de Chantada e que teñan ou adopten un fillo/a no período comprendido entre o 1 de setembro de 2025 e o 31 de decembro de 2026, sempre que non teñan sido xa beneficiarios/as das axudas á natalidade correspondentes ao exercicio 2025 e que cumpran os seguintes requisitos:

A) Os pais/naisou polo menos un de eles, deberán estar en situación regular en España e estar empadroados/as no Concello de Chantada cunha antelación mínima de 1 ano á data de parto ou adopción.

B) Os nenos/as nados/as ou adoptados/as deberán estar empadroados/as no Concello de Chantada.

C) Os solicitantes ou solicitante da axuda deberá comprometerse a seguir empadroados/as no Concello de Chantada, el/ela e os nenos/as, por un período de catro anos dende o nacemento ou adopción.

O empadroamento/a deberá supor a residencia efectiva, polo que tanto o beneficiario/a das axudas coma os nenos/as deberán vivir habitualmente no Concello de Chantada. Esta circunstancia poderá ser comprobada en calquera momento polo Concello, solicitando os informes pertinentes (traballadores sociais, policía local, etc.). No suposto de que non se cumprise este requisito iniciárase un procedemento de reintegro da subvención.

D) Os solicitantes ou solicitante da axuda non poden contar con débedas coa administración estatal, autonómica e/ou local

E) Certificado de familia monoparental, de ser o caso

LIÑA 2: AXUDAS DE SEGUNDO ANO DE NACEMENTO OU ADOPCIÓN

Serán beneficiarios/as destas axudas os pais nais que estean empadroados no Concello de Chantada e que tivesen ou adoptasen un fillo/a no período comprendido entre o 1 de xaneiro de 2025 e 31 de decembro de 2025, tivesen solicitado ou non a axuda a natalidade do Concello de Chantada correspondente ao exercicio 2025 e sempre que cumpran o requisitos establecidos do punto anterior EXCEPTO o do punto A) que será o seguinte:

A) Os pais/naisou polo menos un de eles, deberán estar en situación regular en España e estar empadroados/as no Concello de Chantada cunha antelación mínima de 1 ano á data da solicitude.

3.- TIPOS E CONTÍA DAS AXUDAS

Na ampliación orzamentaria 231.489.06 do orzamento do Concello de Chantada para o exercicio 2026 dotouse crédito por importe de 60.000 euros para a concesión das axudas á natalidade para o exercicio 2026.

LIÑA 1:

As axudas serán de 800 euros por neno/a nacido/a ou adoptado/a.

LIÑA 2:

As axudas serán de 400 euros por neno/a nacido/a ou adoptado/a.

4.- SOLICITUDE E XUSTIFICACIÓN DAS AXUDAS

- SOLICITUDE

As axudas reguladas na presente convocatoria solicitaranse mediante a presentación no rexistro Xeral do Concello de Chantada, por calquera dos medios previstos na normativa vixente, dos modelos normalizados previstos nos Anexos das presentes bases reguladoras de acordo co que se indica a continuación:

As solicitudes deberán estar debidamente asinadas e deberán ir acompañadas inescusablemente da seguinte documentación (orixinal ou copia debidamente compulsada):

- DNI ou NIE do/a solicitante, e tratándose de estranxeiros documento que acredite a residencia legal en España.
- Certificado de nacemento expedido polo Rexistro Civil ou copia do auto xudicial de adopción, no seu caso.
- Certificación de titularidade do número de conta bancaria do solicitante no que se recibirá a axuda.
- Declaración xurada de axudas recibidas ou solicitadas para a mesma finalidade (ANEXOII)
- Compromiso de seguir empadroado no Concello de Chantada por un período mínimo de catro anos(ANEXO I)
- Compromiso de proceder á devolución da axuda no caso de deixar de cumprir algún dos requisitos necesarios para ser beneficiario da mesma ou ben cando sexa probado por parte do Concello que non se cumpre algún dos citados requisitos. En calquera caso iniciárase un procedemento de reintegro de comprobarse a falta de cumprimento dalgún destes requisitos.(ANEXO I)
- Declaración xurada de estar o corrente coas obrigas tributarias da AEAT E ATRIGA e da Seguridade Social de ámbolos proxenitores (ANEXO II).

O Concello de Chantada comprobará, de oficio que o/a solicitante está ao corrente no cumprimento coas obrigas tributarias coa facenda local, emitindo a Tesouraría Municipal a tales efectos o correspondente informe. Do mesmo xeito, o Concello de Chantada comprobará de oficio a situación da unidade familiar en relación co padrón municipal.

No suposto de que a documentación sinalada estivese xa en poder da Administración, por ter solicitado as axudas á natalidade no exercicio anterior ou calquera outra circunstancia, non será necesario aportala de novo sempre que non haxan unha variación das circunstancias iniciais.

De conformidade co artigo 68.1 da Lei 39/2015, de 1 de outubro, de Procedemento Administrativo Común das Administracións Públicas, o Concello de Chantada comprobará as solicitudes, datos e documentación presentada. No caso de que a solicitude non cumprise os requisitos da convocatoria o Concello requirirá aos interesados para que presenten a documentación correspondente no prazo de dez días hábiles.

- PRAZO DE PRESENTACIÓN DE SOLICITUDES

LIÑA 1:

O prazo de presentación de solicitudes será de 4 meses dende o nacemento ou adopción ou no caso de nacementos ou adopcións producidos antes da publicación das presentes bases o prazo será de 4 meses dende a publicación das presentes bases.

LIÑA 2:

O prazo de presentación de solicitudes será ata o 30 de outubro de 2026.

5.- PROCEDEMENTO DE CONCESIÓN DAS AXUDAS

O procedemento de concesión de estas subvencións será o de convocatoria aberta en réxime de concorrencia competitiva ata esgotar o crédito orzamentario e ata a data de presentación de solicitudes, sendo a orde de prelación, na concesión das axudas a data de presentación das solicitudes, producíndose varias resolucións ao longo do ano, sen esperar ao esgotamento do prazo da convocatoria. As solicitudes cursadas no ano 2024 terán dereito á cantidade establecida polo segundo ano de nacemento do cativo ou cativa, sempre e cando cumpran cos requisitos establecidos.

A instrución do procedemento corresponderalle ao Educador/a Social do Concello de Chantada.

O órgano instrutor realizará de oficio cantas actuacións estime necesarias para a determinación, coñecemento e comprobación dos datos para formular a proposta de resolución e realizará unha avaliación previa na que se verificará o cumprimento dos requisitos para adquirir a condición de beneficiario da subvención. O órgano instrutor emitirá o informe correspondente.

A comisión avaliadora estará integrada por dous Traballadores Sociais do Concello de Chantada e a Tesoureira Municipal.

Á vista da avaliación previa efectuada polo órgano instrutor a comisión avaliadora emitirá novo informe.

Finalmente o órgano instrutor formulará unha proposta de resolución, que será notificada aos interesados no caso de que a solicitude fose desestimada, concedéndose un prazo de alegacións de dez días hábiles. NO CASO DE QUE FOSE ESTIMADA OMITIRASE DITO TRÁMITE.

O órgano competente para a resolución do procedemento será a Xunta de Goberno Local do Concello de Chantada. O prazo para a resolución do procedemento será de 3 meses dende a presentación da solicitude. Transcorrido dito prazo sen que se ditase resolución expresa entenderase desestimada a solicitude.

6.- PUBLICIDADE

As presentes bases serán obxecto de publicación na Base de Datos Nacional de Subvencións, no Boletín Oficial da Provincia, no Portal de Transparencia do Concello de Chantada e na páxina web do Concello.

7.- COMPATIBILIDADE CON OUTRAS AXUDAS

A axuda contemplada nas presentes bases será compatible con calquera outra axuda para a mesma finalidade que poda obterse de outros organismos.

8.- NORMATIVA SUPLETORIA

En todo o non previsto nas presentes bases, aplicarase o disposto nas Bases de Execución do Orzamento do Concello de Chantada para o exercicio 2026, así como o disposto na Lei 38/2003, de 17 de novembro Xeral de Subvencións e demais normas e regulamentos de aplicación.

9.- IMPUGNACIÓN

Contra o acordo de aprobación definitiva destas bases poderá interpoñerse polas persoas interesadas recurso potestativo de reposición ante o Sr. Alcalde do Concello de Chantada, no prazo dun mes dende a publicación do acordo de aprobación ou directamente recurso contencioso-administrativo no prazo de dous meses.

10.- INFORMACIÓN BÁSICA SOBRE PROTECCIÓN DE DATOS PERSOAIS

RESPONSABLE	Concello de Chantada
FINALIDADE	Xestión das axudas de natalidade do Concello de Chantada
DESTINATARIOS	Soamente se efectuarán cesións e transferencias previstas legalmente ou autorizadas mediante o consentimento
DEREITOS	Acceder, rectificar e suprimir os datos, así como todos os dereitos previstos na normativa sobre protección de datos

Chantada, 19 de febreiro de 2026.- O alcalde, Manuel Lorenzo Varela Rodríguez.

ANEXO I**SOLICITUDE DE AXUDAS DE APOIO Á NATALIDADE DO CONCELLO DE CHANTADA PARA O EXERCICIO 2026**INDICAR TIPO DE AXUDA QUE SOLICITA: LIÑA 1 ☐ OU LIÑA 2 ☐

Datos da persoa solicitante

- Nome e apelidos do solicitante: _____
- DNI n.º: _____ Teléfono: _____
- Enderezo: _____

Datos do/a fillo/a

- Nome e apelidos: _____
- Data de nacemento ou adopción: _____

- ☐ Comprométome a seguir empadroadado/a e con residencia efectiva, tanto eu como o/a meu/miña fillo/a, no Concello de Chantada por un período mínimo de catro anos.
- ☐ Comprométome á devolución desta axuda no caso de incumprir algún dos requisitos esixidos para a súa concesión.
- ☐ Autorizo ó Concello de Chantada a comprobar o certificado de padrón e convivencia da unidade familiar, onde figure a data de alta no padrón de habitantes, cuxa finalidade é única e exclusivamente para a solicitude de axudas a prol da natalidade no Concello de Chantada.
- ☐ Autorizo ó Concello de Chantada a comprobar, de oficio estar ao corrente no cumprimento coas obrigas tributarias coa facenda local.

(Sinatura da persoa solicitante ou persoa que a representa)

Datos do/a cónxuxe ou parella (se é o caso)

- Nome e apelidos: _____
- DNI n.º: _____

- ☐ Autorizo ó Concello de Chantada a comprobar o certificado de padrón e convivencia da unidade familiar, onde figure a data de alta no padrón de habitantes, cuxa finalidade é única e exclusivamente para a solicitude de axudas de apoio a natalidade no Concello de Chantada, sempre e cando conste neste Concello.
- ☐ Autorizo ó Concello de Chantada a comprobar, de oficio estar ao corrente no cumprimento coas obrigas tributarias coa facenda local.

(Sinatura do/a cónxuxe ou parella)

Chantada, de de

ANEXO II**DECLARACIÓN XURADA**

Don/a _____, con DNI n.º _____
e domicilio en _____
e Don/a _____, con DNI n.º _____

DECLARO BAIXO XURAMENTO:

Estar ó corrente coas obrigas tributarias da AEAT E ATRIGA e da Seguridade Social

- ☐ Que non teño nin solicitada, nin recibida, nin pendente de resolución ningunha outra axuda pola mesma finalidade en ningunha administración pública ou organismo competente.
- ☐ Que teño solicitada, e/ou recibida, ou pendente de resolución axuda pola mesma finalidade coa seguinte identificación: _____

Chantada, de de

Sinatura da persoa solicitante ou
persoa que a representa

Sinatura do outro proxenitor ou proxenitora